



19. august 2009

UKA 2009/31

Inatsisartut suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiuppara:

Hepatitis B-mut akiuussutissamik nunatsinni meeqqat akiuussutissanut allanut kapitittarnerannut ilanngullugu kapititalernissaannik Naalakkersuisut suliniuteqaqqullugit peqquneqarnissaannik aalajangiiffigisassatut siunnersuut.

(Inatsisartunut ilaasortaq Olga P. Berthelsen, Inuit Ataqatigiit)

Tunngavilersuut:

Nappaat Hepatitis B nunatsinni annertuumik atugaavoq. Nakorsaatisaqqartinneqaraluarluni katsorsarneqarsinnaanngilaq.

Ulorianartortaali uaniippoq nappaatimik hepatitis B-mik peqartut aamma hepatitis D-mik peqalersinnaapput. Nappaat hepatitis D sakkortuujuvoq 80 % tikillugu tinguit millerujussuarnerannik kinguneqarsinnaalluni. Taammaammat hepatitis D-mik nappaateqalersinnaasut amerlasoorujussuusut oqaatigisariaqarpoq. Tamanna pinaveersaarniarlugu akiuummik kapitinnisaaq pisariaqarpoq pingaaruteqarlunilu.

Atuagassiaq NAKORSANUT –mi immikkut 2008-mi naqitami atuarneqarsinnaavoq, Alaskami ukiualunnguit matuma siorna akiuussutissamik kapitittalernerup kinguneranik inuit iluaquserneqarsimasut. Akiuussutissarlu oqaatigineqarpoq akikitsuusoq pitsaasumillu kinguneqartitsisartoq.

Taammaattumik matumuuna siunnersuutigaaara meeqqat akiuussutissanut allanut kapitittarnerannut ilanngullugu nappaammut hepatitis B-mut akiuussutissamik kapititalernissaat Naalakkersusiut suliniutigissagaat.